

ЎЗБЕКИСТОН РЕСПУБЛИКАСИ ИҚТИСОДИЁТ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНИНГ
ҚАРОРИ

77 **Ишлатиб келинаётган тўлиқ эскирган асбоб-ускуналар учун тўловни ундириш тартиби тўғрисидаги низомни тасдиқлаш ҳақида**

Ўзбекистон Республикаси Адлия вазирлиги томонидан 2011 йил 21 февралда рўйхатдан ўтказилди, рўйхат рақами 2199

(2011 йил 3 мартдан кучга киради)

Ўзбекистон Республикаси Президентининг 2010 йил 24 декабрдаги ПҚ–1449-сон «Ўзбекистон Республикасининг 2011 йилги асосий макроиктисодий кўрсаткичлари прогнози ва Давлат бюджети параметрлари тўғрисида»ги қарорининг (Ўзбекистон Республикаси қонун ҳужжатлари тўплами, 2010 й., 52-сон, 513-модда) 7-бандига асосан Ўзбекистон Республикаси

Ўзбекистон Республикаси қонун ҳужжатлари тўплами, 2011 й.

Иқтисодиёт вазирлиги, Молия вазирлиги ва Давлат солиқ қўмитаси **қарор қиладилар:**

1. Ишлатиб келинаётган тўлиқ эскирган асбоб-ускуналар учун тўловни ундириш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Иқтисодиёт вазири

Тошкент ш.,
2011 йил 25 январь,
3-сон

Р. ГУЛЯМОВ**Молия вазири**

Тошкент ш.,
2011 йил 25 январь,
7-сон

Р. АЗИМОВ**Давлат солиқ
қўмитаси раиси**

Тошкент ш.,
2011 йил 25 январь,
2011-2-сон

Б. ПАРПИЕВ

Ўзбекистон Республикаси
Иқтисодиёт вазирлиги, Молия вазирлиги ва
Давлат солиқ қўмитасининг 2011 йил
25 январдаги 3, 7 ва 2011-2-сон қарорига
ИЛОВА

**Ишлатиб келинаётган тўлиқ эскирган асбоб-ускуналар
учун тўловни ундириш тартиби тўғрисидаги
НИЗОМ**

Мазкур Низом Ўзбекистон Республикаси Президентининг 2010 йил 24 декабрдаги ПҚ-1449-сон «Ўзбекистон Республикасининг 2011 йилги асосий макроиқтисодий кўрсаткичлари прогнози ва давлат бюджети параметрлари тўғрисида»ги қарорининг (Ўзбекистон Республикаси қонун ҳужжатлари тўплами, 2010 й., 52-сон, 513-модда) 7-бандига мувофиқ ишлатиб келинаётган тўлиқ эскирган асбоб-ускуналар учун тўловни (кейинги ўринларда тўлов деб юритилади) ундириш тартибини белгилайди.

I. Умумий қоидалар

1. Мазкур Низом хўжалик юритувчи субъектларга татбиқ этилади, бундан микрофирма ва кичик корхоналар мустасно.

2. Мазкур Низомда қуйидаги тушунчалардан фойдаланилади:

тўлов — унумли фойдаланиш муддати ўтган тўлиқ эскирган асбоб-ускуналардан фойдаланганлик учун бюджетга тўлов;

асбоб-ускуна — маҳсулот ишлаб чиқариш (иш, хизмат кўрсатиш) жараёнида фойдаланиладиган машина ва асбоб-ускуналар;

тўлиқ эскирган асбоб-ускуна — бир вақтнинг ўзида қуйидаги мезонларга жавоб берадиган асбоб-ускуна:

асбоб-ускуна мазкур Низомнинг 1-иловасига мувофиқ тасдиқланган асбоб-ускуналар гуруҳи рўйхатига киритилган бўлса;

асбоб-ускуна бўйича юз фоизлик эскириш (амортизация) ҳисобланган бўлса;

асбоб-ускуна мазкур Низомнинг 5-банди хусусиятларини ҳисобга олган ҳолда унумли фойдаланиш муддатидан ортиқ муддатларда фойдаланилаётган бўлса;

асбоб-усқунанинг бошланғич (қайта тиклаш) қиймати — уни сотиб олиш, қуриш (барпо қилиш) ва тайёрлаш, етказиб бериш ҳамда фойдаланишга яроқли ҳолатга келтириш учун сарфланган, бухгалтерия ҳисоби тўғрисидаги қонун ҳужжатларга мувофиқ қайта баҳолашларни ҳисобга олган ҳолдаги ҳақиқий харажатлар қиймати.

II. Тўловчилар

3. Тўлов тўловчилар бўлиб, ташкилот балансида асосий воситалар сифатида ҳисобга олинган тўлиқ эскирган асбоб-ускуналардан ўзининг ишлаб чиқариш фаолиятида фойдаланаётган юридик шахслар ҳисобланади.

III. Ускунадан унумли фойдаланиш муддатини аниқлаш

4. Асбоб-усқунанинг ўрнатилган унумли фойдаланиш муддати ушбу Низомнинг 1- иловасига мувофиқ аниқланади.

5. Гуруҳлар бўйича асбоб-усқунанинг унумли фойдаланиш муддати қуйидаги хусусиятларни ҳисобга олган ҳолда қўлланилади:

агар ушбу Низомнинг 1-иловасига мувофиқ ўрнатилган асбоб-усқунанинг унумли фойдаланиш муддати техник ҳужжатларда кўрсатилган муддатлардан юқори ўрнатилган бўлса, асбоб-усқунанинг унумли фойдаланиш муддати техник ҳужжат асосида ҳисобга олинади;

агар Ўзбекистон Республикаси Вазирлар Маҳкамасининг 2008 йил 10 декабрдаги 271-сон «Хавфли ишлаб чиқариш объектларининг sanoat хавфсизлиги тўғрисида»ги Ўзбекистон Республикаси қонунини амалга оширишга доир қўшимча чора-тадбир ҳақида»ги қарорига (Ўзбекистон Республика-

си конун ҳужжатлари тўплами, 2008 йил, 50-сон, 496-модда) мувофиқ ваколатли орган томонидан асбоб-ускунани техник диагностикадан ўтказиш натижасида, унинг фойдаланиш муддати узайтирилмаган бўлса, асбоб-ускунанинг ўрнатилган унумли фойдаланиш муддати узайтирилган муддатни ҳисобга олган ҳолда аниқланади.

IV. Тўлов ҳисоблаш учун база

6. Тўлов ҳисоблаш учун база бўлиб, мазкур Низомнинг 2-бандида назарда тутилган меъёрларга жавоб берадиган асбоб-ускунанинг бошланғич (қайта тиклаш) қиймати ҳисобланади, бундан қуйидагилар мустасно:

молиявий ижара (лизинг) шартномасига кўра олинган асбоб-ускуна, молиявий ижара (лизинг) шартномаси муддати давомида;

конун ҳужжатларида белгиланган тартибда консервация қилиниши тўғрисида қарор қабул қилинган асбоб-ускуна.

V. Тўлов миқдори ва уни ҳисоблаш тартиби

7. Тўлов миқдори Ўзбекистон Республикаси Президенти қарори билан белгиланади.

8. Тўлов суммаси қуйидаги формула бўйича аниқланади:

$$П = Пст \times С / 100, \text{ бу ерда:}$$

П — тўлов суммаси;

Пст — асбоб-ускунанинг ҳисобот даври охиридаги бошланғич (қайта тиклаш) қиймати (31 декабрь);

С — фоизда белгиланган тўлов миқдори.

Масалан, мазкур Низомнинг 2-бандида назарда тутилган мезонларга жавоб берадиган асбоб-ускунанинг ҳисобот даври охиридаги (яъни, 31 декабрь ҳолатига) бошланғич қиймати 50 000 минг сўмни ташкил этади, 2011 йил учун тўлов миқдори эса 0,25 фоиз миқдорида белгиланган. У ҳолда бюджетга тўланадиган тўлов суммаси 125 минг сўмни ташкил этади (50 000 x 0,25 / 100).

VI. Ҳисобот даври

9. Ҳисобот даври бўлиб календарь йил ҳисобланади.

VII. Ҳисоб-китобларни тақдим этиш ва тўловни тўлаш

10. Тўлиқ эскирган асбоб-ускунадан фойдаланилганлик учун тўлов ҳисоб-китоби-маълумотномаси мазкур Низомнинг 2-иловасида келтирилган

шакл бўйича ҳисобот йилидан кейинги йилнинг 15 февралига қадар солиқ бўйича ҳисобга қўйилган жойдаги давлат солиқ хизмати органига тақдим этилади.

11. Ишлатиб келинаётган тўлиқ эскирган асбоб-ускуна учун тўлов, Ҳисоб-китоб-маълумотномани тақдим этиш муддатидан кечиктирмаган ҳолда қонун ҳужжатларида белгиланган тартибда бюджетга ўтказилади.

VIII. Тўловни ҳисобга олиш

12. Бюджет билан ҳисоб-китобларнинг бухгалтерия ҳисоби бюджетга тўловлар бўйича қарздорлик счёти бўйича амалга оширилади.

Ҳисобланган тўлов суммаси қуйидагича акс эттирилади:

9430 «Бошқа операцион харажатлар» счётининг дебети;

(6400) бюджетга тўловлар бўйича қарздорликни ҳисобга олиш счётининг кредити.

Бюджетга ўтказилган тўлов суммаси қуйидагича акс эттирилади:

(6400) бюджетга тўловлар бўйича қарздорликни ҳисобга олиш счётининг дебети;

пул маблағларини ҳисобга олиш счётининг кредити.

IX. Тўловчининг жавобгарлиги ва давлат солиқ хизмати органларининг назорати

13. Тўловчилар тўловнинг тўғри ҳисобланиши ва тўланиши учун Ўзбекистон Республикаси қонун ҳужжатларига мувофиқ жавобгардирлар.

14. Тўловларнинг тўғри ҳисобланиши ва тўланиши устидан назорат Ўзбекистон Республикаси қонун ҳужжатларига мувофиқ Ўзбекистон Республикаси давлат солиқ хизмати органлари томонидан амалга оширилади.

15. Тўловни ўз вақтида бюджетга ўтказмаганлик учун солиқлар ва бошқа мажбурий тўловларни ўз вақтида тўламаганлик учун қонун ҳужжатларида белгиланган миқдорда пеня ҳисобланади.

Ишлатиб келинаётган тўлиқ эскирган
асбоб-ускуналар учун тўловни ундириш
тартиби тўғрисидаги низомга
1-ИЛОВА

**Тўлов ундириладиган асбоб-ускуналар рўйхати ва
уларнинг унумли фойдаланиш
МУДДАТЛАРИ**

Асбоб-ускуналар	Кодлар (Шифрлар)	Унумли фойда- ланиш муддати (йилларда)
Кучланиш асбоб-ускуналари	40	
Теплотехник асбоб-ускуналар	400	25
Турбина асбоб-ускуналари	401	33
Электродвигателлар ва дизель-генераторлар	402	20
Комплекс қурилмалар	403	22
Ички ёнув двигателлари	404	10
Бошқа кучланиш асбоб-ускуналари	407	19
Ишчи асбоб-ускуналар	41-46	
Металл кесувчи асбоб-ускуналар	410	12
Қўймачилик ишлаб чиқариши учун асбоб-ускуналар	411	20
Темирчилик ва пресслаш асбоб-ускуналари	412	20
Абразив металллар ва олмос ишлаб чиқариш учун асбоб-ускуналар	413	12
Компрессор асбоб-ускуналари	414	19
Насослар	415	10
Газ тозаловчи ускуналар ва вентиляция машина ва асбоб-ускуналари	416	14
Юк кўтариш-транспорт ва юклаш-тушириш асбоб-ускуналари	417	25
Ер ва кон ишлари учун асбоб-ускуналар	418	15
Гидромеханизация асбоб-ускуналари	419	12
Бетон ва пардозлаш ишлари учун асбоб-ускуналар	420	8
Йўл қурилиши асбоб-ускуналари	421	23
Қозиқ қоқиш ишлари учун асбоб-ускуналар	422	14
Кабель (ўраш) ўтказиш учун асбоб-ускуналар	423	33
Сув ости техник ишлари учун асбоб-ускуналар	424	21
Электрогазосварка ва кесиш учун асбоб-ускуналар	425	15
Майдалаш, саралаш ва бойитиш учун асбоб-ускуналар	426	20
Геология-қидирув асбоб-ускуналари	427	10
Ер ости ва очик тоғ ишлари учун асбоб-ускуналар	428	12
Технологик жараёнлар учун мўлжалланган барча турдаги махсус сифимлар	429	16
Қора металлургия асбоб-ускуналари	430	20

Асбоб-ускуналар	Кодлар (Шифрлар)	Унумли фойда- ланиш муддати (йилларда)
Рангли металлургия асбоб-ускуналари	431	20
Кимё саноати ва минерал ўғитлар саноати асбоб-ускуналари	432	18
Иссиқлик алмашинувчи ускуналар, кимё саноати печи ва бошқа махсус асбоб-ускуналар	433	15
Нефть ва газ қазийш ва бургулаш учун асбоб-ускуналар	434	18
Нефтни қайта ишлаш саноати асбоб-ускуналари	435	13
Нефткимё саноати асбоб-ускуналари	436	16
Газ саноати асбоб-ускуналари	438	20
Электрон саноати асбоб-ускуналари	440	9
Қурилиш материаллари саноати асбоб-ускуналари	441	17
Ойначилик саноати асбоб-ускуналари	442	16
Кабель саноати асбоб-ускуналари	443	18
Ўрмон саноати асбоб-ускуналари	444	10
Ёғочни қайта ишлаш саноати асбоб-ускуналари	445	11
Целлюлоза-қоғоз саноати асбоб-ускуналари	446	18
Полиграфия саноати асбоб-ускуналари	448	13
Енгил саноат асбоб-ускуналари	449	13
Озиқ-овқат саноати технологик асбоб-ускуналари	450	13
Гўшт ва сут саноати асбоб-ускуналари	451	13
Медицина ва микробиология саноати асбоб-ускуналари	460	16

Изоҳ:

асбоб-ускуналар кодлари (шифрлари) 1990 йилдаги асбоб-ускуналарнинг ягона амортизация нормаларига (УЯАН) мувофиқ келтирилган.

Юридик шахс
штампи

Ишлатиб келинаётган тўлиқ эскирган
асбоб-ускуналар учун тўловни ундириш
тартиби тўғрисидаги низомга
2-ИЛОВА

_____ туман (шаҳар) Давлат солиқ инспекциясига

Солиқ тўловчи _____
(корхона, ташиқлот номи)

ИНН

--	--	--	--	--	--	--	--	--	--

Телефон _____

Тўловчи манзили _____

Ҳисоб-китоб счёти № _____
(банк муассасаси номи, код)

**Ишлатиб келинаётган тўлиқ эскирган асбоб-ускуналар учун тўлов
ҲИСОБ-КИТОБ-МАЪЛУМОТНОМАСИ**
_____ йил солиқ даври учун

Кодлар (Шифр- лар)	Асбоб-ускуна номи (белгиланган рўйхатга киритилган)	Сатр коди	Асбоб-ускунани ишга тушириш санаси	Асбоб-ускунанинг унумли фойдаланиш муддати	Тўлиқ эскирган асбоб-ускунанинг ҳисобот даври охиридаги бошланғич (қайта тиклаш) қиймати (31 декабрь)	минг сўм	
						Тўлов миқдори, % да	Бюджетга тўланадиган тўлов суммаси (6 уст. х 7 уст.)
1	2	3	4	5	6	7	8
	жами	010					
		0101					
		0102					
		...					

Раҳбар _____
(имзо) (Ф.И.О.)

Бош бухгалтер _____
(имзо) (Ф.И.О.)

«__» _____ 201__ йил М.Ў.